



Broj: 01-281/22
Vareš, 29.12.2022. godine

Na osnovu člana 13. stav 2., člana 36. i 37. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 13. stav 1. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08, 22/09, 35/14 i 94/15) te člana 22. tačke 6. Statuta Općine Vareš – Prečišćeni tekst broj: 01-162/12 od 11.09.2012. godine, Općinsko vijeće Vareš na 21.sjednici održanoj dana 29.12.2022. godine, ***d o n o s i***

ODLUKU

o općinskim komunalnim taksama

I. OPĆE ODREDBE

Član 1.
(Predmet)

Ovom odlukom utvrđuju se vrste komunalnih taksi, obveznik plaćanja, kriteriji, zone i visina takse, način plaćanja, oslobađanja od plaćanja, način prijave, naplate takse i povrat takse za obveznike na području Općine Vareš.

Član 2.
(Definiranje pojmova)

(1) Pojmovi u smislu ove odluke:

- a) Svaka istaknuta firma podrazumijeva naziv pod kojim pravno ili fizičko lice posluje;
- b) držanje i izvođenje muzike uživo u ugostiteljskim objektima podrazumijeva povremeno ili svakodnevno izvođenje muzičkog programa uz pružanje ugostiteljskih usluga;
- c) isticanje objava, oglasa i saopćenja na javnim mjestima podrazumijeva postavljanje stalnih ili privremenih banera, plakata, panoa, na javnim mjestima u štampanoj ili elektronskoj formi. Ovdje se svakako podrazumijeva reklamiranje brendova, proizvoda ili usluga koje pružaju pravne ili fizičke osobe, ili koje imaju svrhu putokaza prema mjestu sjedišta sponzora koji ih je postavio;
- d) korištenje prostora na javnim mjestima za kampove (šatore, prikolice, motorna vozila svih kategorija), deponije materijala i drugu privremenu upotrebu;

- e) postavljanje uređaja za isplatu i naplatu gotovine (bankomata), podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima.

II. OSNOV I POČETAK NASTANKA OBAVEZE

Član 3.

(Osnov za plaćanje takse)

- (1) Na području Općine Vareš propisuju se i naplaćuju komunalne takse za:
 - a) Svaku istaknutu firmu;
 - b) Držanje i izvođenje muzike uživo u ugostiteljskim objektima;
 - c) Isticanje objava, oglasa i saopćenja na javnim mjestima;
 - d) Svako korištenje prostora na mjestima za kampove (šatore, prikolice i motorna vozila svih kategorija) podrazumijeva zauzimanje prostora za privremeni boravak od strane jedne ili više osoba;
 - e) Postavljanje uređaja za isplatu i naplatu gotovine (bankomata);

Član 4.

(Isticanje firme)

- 1) Pravna ili fizička lica koja obavljaju privrednu djelatnost na osnovu odobrenja nadležnog organa, dužna su na vidnom mjestu svih prostora (sjedište i poslovne jedinice) gdje obavljaju djelatnost, istaknuti naziv firme.
- 2) Pod nazivom firme se podrazumijeva:
 - a) naziv firme pod kojim je takseni obveznik registrovan kod nadležnog organa, odnosno naziv poslovne jedinice kada se firma ističe na poslovnoj jedinici,
 - b) sjedište lica i broj,
- 3) Firma se ističe najkasnije danom početka obavljanja djelatnosti.

Član 5.

(Početak nastanka obaveze)

- 1) Taksena obaveza iz člana 3. stav (1) tačka a) ove Odluke nastaje danom izdavanja rješenja o registraciji fizičkog i pravnog lica.
- 2) Taksena obaveza iz člana 3. stav (1) tački b) do e) ove Odluke nastaje od trenutka otpočinjanja pružanja usluga, korištenja uređaja ili prostora za čije korištenje je ovom odlukom propisano plaćanje komunalne takse.

Član 6.

(Obveznici plaćanja takse)

- 1) Takseni obveznici su sva pravna i fizička lica registrirana za obavljanje djelatnosti koja posluju na području nadležnosti Općine Vareš, odnosno lica koja koriste predmet, prostor ili pružaju usluge za čije je korištenje propisano plaćanje takse.

III. NAČIN PRIJAVE I NAPLATA

Član 7.

(Podnošenje prijave za razrez taksene obveze)

- 1) Obveznik plaćanja takse je svako pravno ili fizičko lice koje obavlja djelatnost na osnovu odobrenja nadležnog organa na području Općine Vareš odnosno koje ima istaknutu firmu, oznaku, obilježje ili natpis na poslovnim prostorijama i objektima kojim se označava da ista obavljaju djelatnost ili zanimanje u skladu sa pozitivnim zakonskim propisima, kao i posjednik uređaja iz člana 3. stav (1) tačka e) ove odluke.
- 2) Prijavu za razrez komunalne takse iz člana 3. stav (1) tačke a) i e) porezni obveznik je dužan podnijeti Poreznoj upravi, Ispostava Vareš (u daljem tekstu: Porezna uprava) do 31. januara tekuće godine, prema stanju na dan 01. januar tekuće godine za koju se razrez vrši, odnosno u roku od 15 dana od datuma izdavanja rješenja o registraciji ukoliko je porezni obveznik registrovao djelatnost u toku poslovne godine.
- 3) Porezna prijava komunalne takse podnosi se na propisanom obrascu koji čini sastavni dio ove Odluke.
- 4) Pravno lice kao obveznik komunalne takse dužan je Poreznoj upravi podnijeti prijavu za komunalnu taksu isključivo elektronski, dok fizička lica mogu i putem Obrasca.
- 5) Prijavu za razrez komunalne takse iz člana 3. stav (1) tačke c) i d) porezni obveznik je dužan podnijeti nadležnoj službi Općine 5 dana prije nastanka taksene obaveze.
- 6) Ukoliko takseni obveznik u propisanom roku ne podnese prijavu ili dostavi netačne podatke, prijavu takse će izvršiti Porezna uprava u roku od 15 dana nakon isteka zakonskog roka u skladu sa odredbama Zakona o Poreznoj upravi Federacije BiH i podzakonskim aktima.

Član 8.

(Obračun i način plaćanja)

- 1) Taksa iz člana 3. Ove odluke se obračunava i plaća na način iz:
 - a) Tačke a) i e) - jednom u toku kalendarske godine u roku od 15 dana po isteku roka za prijavljivanje takse;
 - a) Tačka b) se obračunava i plaća dnevno po privređivanju muzike uživo, s tim da se za istu podnosi prijava poreskoj upravi najkasnije tri dana prije početka izvođenja muzike;
 - b) Tačke c) i d) po podnošenju prijave nadležnoj Općinskoj službi.
- 2) Taksa na istaknutu firmu pravne ili fizičke osobe koja je na osnovu rješenja nadležnog organa počela ili prestala obavljati djelatnost u toku obračunskog perioda će se obračunati za broj mjeseci i dana u kojima je obavljala djelatnost.

IV. TARIFNI SISTEM

IV.1. Zone poslovanja i visina komunalne takse

Član 9.

(Zone)

Općina Vareš odredila je četiri zone kao početni kriterij određivanja visine komunalne takse na istaknutu firmu.

I ZONA: obuhvaća naseljeno mjesto Vareš:

II ZONA: obuhvaća naseljena mjesta Vareš-Majdan, Dabravine, Rajčevac, Ljepovići i Ponikve;

III ZONA: obuhvaća naseljena mjesta Hodžići, pajtov Han, Zvijezda, Ivančevo i Gornja Vijaka;

IV ZONA: ostala naseljena mjesta koja nisu obuhvaćena naprijed navedenim zonama.

Član 10.

(Visina komunalne takse)

- 1) Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima kojim se označava da određeno pravno ili fizičko lice obavlja određenu djelatnost ili zanimanje, utvrđuje se godišnja taksa.
- 2) Kriteriji za utvrđivanje visine komunalne takse na istaknutu firmu su: poslovna zona u kojoj se djelatnost obavlja i veličina pravnog lica u smislu kriterija o razvrstavanju pravnih lica na osnovu člana 5. Zakona o računovodstvu i reviziji Federacije Bosne i Hercegovine ("Službene novine Federacije BiH", broj 15/21).
- 3) Ovom odlukom utvrđuje se visina komunalnih taksi prema Tarifnim brojevima.

IV.2. Tarifni brojevi

Član 11.

(Tarifni brojevi)

Tarifni broj 1.

- 1) Obrtnici/samostalni privrednici odnosno fizička lica koja obavljaju izvjesnu privrednu djelatnost ili zanimanje, a koja su registrirana u nadležnoj općinskoj službi ili kod nadležnog ministarstva, za svaku istaknutu firmu, oznaku, obilježje ili natpis na poslovnim prostorijama i objektima, plaćaju godišnju taksu kako slijedi;

R. br.	Obrtnici/samostalni privrednici odnosno fizička lica koja obavljaju privrednu djelatnost ili zanimanje	I ZONA	II ZONA	III ZONA	IV ZONA
		KM	KM	KM	KM
1.	Iznos takse:	150,00	140,00	130,00	120,00

- 2) Pravna lica za svaku istaknutu firmu, oznaku, obilježje ili natpis na poslovnim prostorijama i objektima, kojima se označava da određena pravno lice obavlja izvjesnu privrednu djelatnost ili zanimanje obračunava se i naplaćuje godišnja taksa.

Razvrstavanje pravnih lica će se vršiti u skladu sa članom 5. Zakona o računovodstvu i reviziji Federacije Bosne i Hercegovine ("Službene novine Federacije BiH", broj 15/21).

Visina takse na istaknutu firmu za pravna lica iznosi:

Red. br.	VELIČINA PRAVNOG LICA	I ZONA	II ZONA	III ZONA	IV ZONA
		KM	KM	KM	KM
1.	MIKRO	500,00	450,00	400,00	350,00
2.	MALO	1.000,00	950,00	900,00	850,00
3.	SREDNJE	2.000,00	1.900,00	1.800,00	1.700,00
4.	VELIKO	3.000,00	2.800,00	2.600,00	2.400,00

5) Pravna lica čije je sjedište na području Općine Vareš, a koja u svom sastavu posjeduju više poslovnih jedinica plaćaju iznos takse na istaknutu firmu utvrđen stavom (2) ovog člana za prvu poslovnu jedinicu. Za svaku narednu taksa bi iznosila 20% razrezane takse od iznosa koji je utvrđen stavom (2) ovog člana.

6) Pravna lica čije je sjedište izvan područja Općine Vareš, a koja u svom sastavu posjeduju više poslovnih jedinica na području Općine Vareš plaćaju iznos takse na istaknutu firmu utvrđen stavom (2) ovog člana za svaku poslovnu jedinicu.

7) Ako za istu taksu postoje dva ili više obveznika njihova taksa je solidarna.

Tarifni broj 2.

a) Za priređivanje muzike uživo u ugostiteljskim objektima plaća se komunalna taksa dnevno u iznosu od 15,00 KM, s tim da se za istu podnosi prijava poreskoj upravi najkasnije tri dana prije početka izvođenja muzike.

Tarifni broj 3.

Za isticanje objava, oglasa plakata, panoa i saopćenja na javnim mjestima određenim za te namjene plaća se jednokratno taksa, i to za:

a) Seriju do 100 kom. 50,00 KM

b) Seriju preko 100 kom. 100,00 KM

c) Postavljanje stalnih panoa i displeja po 1m² 50,00 KM godišnje.

d) Postavljanje povremenih panoa i displeja po 1m² 3,00 KM po danu.

Tarifni broj 4.

Za postavljanje kampova na javnim mjestima (šatora, prikolica, motornih vozila svih kategorija) deponije materijala i drugu privremenu upotrebu plaća se dnevna taksa:

a) Za svaki šator 1,00 KM

b) Za kamp prikolicu 0,50 KM

c) Za motorno vozilo 0,50 KM

Tarifni broj 5.

Za postavljanje uređaja za isplatu i naplatu gotovine (bankomati i sl.) plaća se taksa godišnje po jednom uređaju u iznosu od 1.000,00 KM.

Član 12.

(Pripadnost i uplata takse)

- 1) Taksa iz člana 3. stav 1. tačka a) i e) ove Odluke se uplaćuje na Depozitni račun Budžeta Općine Vareš broj: 3380002210017420 otvoren kod UniCredit banke, šifra Općine 096, sa naznakom vrste prihoda 722322 u skladu sa Pravilnikom o načinu uplate javnih Prihoda budžeta i izvanbudžetskih fondova na teritoriji Federacije Bosne i Hercegovine i izvorni su prihod Općine Vareš.
- 2) Taksa iz člana 3. Stav 1 tačka b), c) i d) ove Odluke se uplaćuje na Depozitni račun Budžeta Općine Vareš broj: 3380002210017420 otvoren kod UniCredit banke, šifra Općine 096, sa naznakom vrste prihoda 722321 u skladu sa Pravilnikom o načinu uplate javnih Prihoda budžeta i izvanbudžetskih fondova na teritoriji Federacije Bosne i Hercegovine i izvorni su prihod Općine Vareš.

V. OSLOBAĐANJE OD PLAĆANJA I POVRAT TAKSE

Član 13.

(Oslobađanje od plaćanja komunalne takse)

- (1) Od plaćanja komunalne takse iz člana 3. stav 1. tačke a) do f) oslobođeni su:
- a) organi državne, federalne i kantonalne uprave i lokalne samouprave;
 - b) federalne, kantonalne i lokalne javne ustanove;
 - c) javna preduzeća čiji je osnivač Općina Vareš;
 - d) poljoprivredne zadruge, zavodi, vjerske zajednice, političke stranke, sindikati, komore, udruženja, dobrovoljna vatrogasna društva, turističke zajednice, sportska društva i savezi, fondacije, zaklade, humanitarne organizacije;
 - e) Radio i televizijske djelatnosti.
- (2) Od plaćanja komunalne takse iz člana 3. stav 1. tačke a) oslobođeni su obrtnici/samostalni privrednici odnosno fizička lica koji obavljaju djelatnost tradicionalnih i starih zanata, a koji su utvrđeni Uredbom za zaštitu tradicionalnih i starih obrta ("Službene novine Federacije BiH", broj 66/09, 38/10 i 16/12).

Član 14.

(Povrat pogrešno ili više uplaćene takse)

- 1) Obveznik od kojeg je taksa naplaćena, a koju nije bio dužan platiti ili je više uplatio, ima pravo na povrat.
- 2) Zahtjev za povrat se podnosi Službi za privredu, finansije i trezor.

Član 15.

(Nadzor i kontrola prijave)

- 1) Nadzor i kontrola prijave, obračuna i plaćanja općinske komunalne takse vrši Porezna uprava u saradnji sa Službom za privredu, finansije i trezor.

Član 16.

(Prestanak važenja ranijih propisa)

Stupanjem na snagu ove Odluke prestaju važiti: Odluke o općinskim komunalnim taksama (Prečišćeni tekst) br. 01-49/13 od 18.02.2013. godine, br. 01-319/13 od 28.11.2013. godine i br. 01-188/16 od 29.12.2016. godine.

Član 17.

(Stvarno nadležni organi za provođenje ove Odluke)

Ovu Odluku provodi Porezna uprava i Služba za privredu, finansije i trezor finansije.

Član 18.
(Započeti neokončani postupci)

Postupci razreza visine iznosa takse koji nisu pravosnažno okončani do dana stupanja na snagu ove Odluke, biće okončani prema odredbama ove Odluke o općinskim komunalnim taksama.

Član 19.
(Stupanje na snagu)

Ova Odluka stupa na snagu danom donošenja a primjenjivat će se od 01.01.2023. godine i bit će objavljena na oglasnoj tabli i web stranici Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

IDENTIFIKACIONI BROJ POREZNOG OBVEZNIKA _____
NAZIV PRAVNOG LICA – FIZIČKOG LICA _____
ADRESA: _____

PKT

IDENTIFIKACIONI BROJ ZASTUPNIKA PRIJAVE _____
NAZIV ILI IME I PREZIME _____
ADRESA POTPISNIKA PRIJAVE: _____

Broj telefona _____

KANTONALNI POREZNI URED ZENICA
ISPOSTAVA VAREŠ

KOMUNALNA TAKSA ZA ISTAKNUTU FIRMU ZA PERIOD OD _____ DO _____ OZNAKA OPĆINE –096-VAREŠ

R. br.	Adresa	Broj istaknutih firmi	Tarifni broj	Zona	Veličina pravnog lica	Iznos takse (KM)	Vrsta prihoda	UPLATNI RAČUN
1	2	3	4	5	6	7	8	9
							722322	3380002210017420
UKUPNO:								

NAPOMENA:

- 1) Porezni obveznik (pravno lice) ovom prijavom, pod punom materijalnom i krivičnom odgovornošću, izjavljujeda je utvrdilo svoj status pravnog lica prema članu 5. Zakona o računovodstvu i reviziji u FBiH ("Službene novine Federacije BiH", broj 15/21).

POTPIS I PEČAT PODNOSIOCA PRIJAVE

IDENTIFIKACIONI BROJ POREZNOG OBVEZNIKA _____
NAZIV PRAVNOG LICA – FIZIČKOG LICA _____
ADRESA: _____

PKT

IDENTIFIKACIONI BROJ ZASTUPNIKA PRIJAVE _____
NAZIV ILI IME I PREZIME _____
ADRESA POTPISNIKA PRIJAVE: _____

Broj telefona _____

KANTONALNI POREZNI URED ZENICA
ISPOSTAVA VAREŠ

a) DRŽANJE I IZVOĐENJE MUZIKE UŽIVO U UGOSTITELJSKIM OBJEKTIMA

R. br.	Mjesto - adresa ugostiteljskog objekta u kojem se vrši držanje i izvođenje muzike uživo	Broj dana u kojima se izvodi muzika	Dnevni iznos (KM)	Iznos takse	Vrsta prihoda	UPLATNI RAČUN
1	2	3	4	5	6	7
						3380002210017420
					722321	
UKUPNO:						

b) ISTICANJE OBJAVA, OGLASA I SAOPĆENJA NA JAVNIMA MJESTIMA

R. br.	Broj objava, oglasa i saopćenja u skladu sa tarifnim brojem 3. Odluke	Jednokratni iznos (KM)	Iznos takse	Vrsta prihoda	UPLATNI RAČUN
1	2	3	4	5	6
					3380002210017420
				722321	
UKUPNO:					

c) KORIŠTENJE PROSTORA NA JAVNIM MJESTIMA ZA KAMPOVE

R. br.	Broj rješenja o zakupu javne površine koje izdaje nadležna općinska služba	Broj kampova, šatora, motornih vozila	Iznos po danu (KM)	Iznos takse	Vrsta prihoda	UPLATNI RAČUN
1	2	3	4	5	6	7
						3380002210017420
					722321	
UKUPNO:						

d) POSTAVLJANJE UREĐAJA ZA ISPLATU I NAPLATU GOTOVINE

R. br.	Mjesto-adresa na kojoj je postavljen uređaj za isplatu i naplatu gotovine	Zona	Broj uređaja	Godišnji iznos (KM)	Iznos takse	Vrsta prihoda	UPLATNI RAČUN
1	2	3	4	5	6	7	8
							3380002210017420
						722322	
UKUPNO:							

POTPIS I PEČAT PODNOSIOCA PRIJAVE

O b r a z l o ž e n j e

I PRAVNI OSNOV

Pravni osnov za donošenje Odluke o općinskim komunalnim taksama na području Općine Vareš, sadržan je u:

- **Zakonu o principima lokalne samouprave u FBiH** („Službene novine FBiH“, broj: 49/06 i 51/09)
 - član 13. stav 2. alineja 4.: Općinsko vijeće u okviru svojih nadležnosti donosi propise o porezima, taksama, naknadama i doprinosima jedinice lokalne samouprave u skladu sa zakonom;
 - član 36.: U zakonom propisanim okvirima jedinice lokalne samouprave donose propise o naknadama i taksama, kao i provedbene propise o oporezivanju;
 - član 37. stav 1. tačka a) alineja 2.: Jedinicama lokalne samouprave pripadaju kao vlastiti prihod, lokalne takse i naknade čije iznose utvrđuje Općinsko vijeće u skladu sa zakonom.
- **Zakonu o pripadnosti javnih prihoda u FBiH** („Službene novine FBiH“, broj:22/06 43/08, 22/09, 35/14 i 94/15)
 - član 13. stav 1. tačka c): Jedinici lokalne samouprave pripadaju, kao javni prihod; naknade i takse u skladu sa propisima jedinica lokalne samouprave.
- **Statutu Općine Vareš-Prečišćeni tekst broj: 01-162/12 od 11.09.2012. godine**
 - član 22. tačka 6.: Općinsko vijeće u okviru svoje nadležnosti donosi propise o porezima, taksama, naknadama i doprinosima Općine u skladu sa zakonom;
 - član 86.; stav 2. tačka a) alineja 3.: Vlastiti prihodi Općine su komunalne takse, druge takse i naknade u skladu sa općinskim propisima.

II RAZLOZI ZA DONOŠENJE ODLUKE

Razlog za donošenje Odluke o općinskim komunalnim taksama na području općine Vareš je sljedeći:

Presudom Ustavnog suda FBiH br: U-21/22, od 26.10.2022. godine, kojom je odlučeno o ustavnosti općinske Odluke o komunalnim taksama Općine Vareš navedeno je:

„Utvrđuje se da član 1. Odluke o izmjeni Odluke o općinskim komunalnim taksama (Prečišćeni tekst), broj: 01-188/16, od 29.12.2016. godine, Tarifni broj 4. Općine Vareš, **nije u skladu sa Ustavom FBiH**, iz razloga što je visina komunalne takse na istaknutu firmu određena i zavisno od djelatnosti koju pravna, odnosno fizička osoba obavlja, te je Ustavni sud FBiH utvrdio da djelatnost imaoća firme ne može biti kriterij za utvrđivanje visine komunalne takse za istaknutu firmu.

Da bi postupili u skladu sa navedenom Presudom, radna grupa je sačinila novu Odluku o općinskim komunalnim taksama Općine Vareš u kojoj je **isključila djelatnost** pravne, odnosno fizičke osobe, kao relevantan kriterij za određivanje visine komunalne takse za istaknutu firmu.

III METODOLOGIJA I NAČIN DONOŠENJA ODLUKE, KRITERIJI I VISINA KOMUNALNIH TAKSI

Ova nova Odluka o općinskim komunalnim taksama sačinjena je po metodologiji i na način kako su to uradile i ostale Općine kod kojih je utvrđena ista neusklađenost sa Ustavom (Općina Novo Sarajevo, Općina Novi Grad Sarajevo, Općina Ilidža, Općina Stari Grad Sarajevo, Grad Visoko...)

Novi kriteriji za utvrđivanje visine komunalne takse na istaknutu firmu su: **poslovna zona** u kojoj se djelatnost obavlja i **veličina pravnog lica** u smislu kriterija o razvrstavanju pravnih lica na osnovu člana 5. Zakona o računovodstvu i reviziji Federacije Bosne i Hercegovine ("Službene novine Federacije BiH", broj 15/21).

Prema odredbama člana 5. Zakona o računovodstvu i reviziji Federacije Bosne i Hercegovine("Službene novine Federacije BiH", broj 15/21):

Mikro pravna lica su ona koja ispunjavaju najmanje dva od slijedećih uslova:

- prosječan broj zaposlenih u toku godine je do 9,
- prosječna vrijednost poslovne imovine na kraju poslovne godine je do 350.000,00 KM,
- ukupan godišnji prihod je do 700.000,00 KM

Mala pravna lica su ona koja na dan sastavljanja finansijskih izvještaja ispunjavaju najmanje dva od slijedećih uslova:

- prosječan broj zaposlenih u toku godine je do 49,
- prosječna vrijednost poslovne imovine na kraju poslovne godine je do 4.000.000,00 KM,
- ukupan godišnji prihod je do 8.000.000,00 KM

Srednja pravna lica su ona koja na dan sastavljanja finansijskih izvještaja ispunjavaju najmanje dva od slijedećih uslova:

- prosječan broj zaposlenih u toku godine je do 249.
- prosječna vrijednost poslovne imovine na kraju poslovne godine je do 20.000.000,00 KM
- ukupan godišnji prihod je do 40.000.000,00 KM

Velika pravna lica su ona koja na dan sastavljanja finansijskih izvještaja ispunjavaju najmanje dva od slijedećih uslova:

- prosječan broj zaposlenih u toku godine je 249
- prosječna vrijednost poslovne imovine na kraju poslovne godine je 20.000.000,00 KM
- ukupan godišnji prihod je 40.000.000,00 KM

Velikim pravnim licima, neovisno od navedenih kriterija, smatraju se banke, mikro kreditna društva, društva za osiguranje i reosiguranje, lizing društva, društva za faktoring, društva za upravljanje investicijskim fondovima, društva za upravljanje dobrovoljnim penzijskim fondovima, berze, brokersko-dilerska društva i druge finansijske organizacije.

Ovom Odlukom **visina komunalne takse** određuje se **Tarifnim brojem** (član 11. Odluke) u odnosu na zonu u kojoj se pravno ili fizičko lice nalazi.

Fizička lica u smislu ove Odluke smatraju se obrtnici, ugostitelji, trgovci, prijevoznici i ostali koji svoju djelatnost obavljaju samostalno.

Pravna lica u smislu ove Odluke su Javna preduzeća, osim onih čiji je osnivač Općina, osiguravajuća društva, društva ograničene odgovornosti (d.o.o.), dionička društva (d.d.), akcionarska društva (a.d.), banke, bankomati (bez obzira da li se nalaze u sklopu poslovnih prostorija banke ili odvojeno), sportske kladionice, apoteke, rudnici, kamenolomi i sva druga pravna lica (bez obzira na djelatnost kojom se bave) čija je zakonska obaveza registracija u sudskom registru.

IV FINANSIJSKI UTICAJ NA BUDŽET/PRORAČUN ZA 2023. GODINU

Prihodi budžeta/proračuna Općine Vareš za 2022. godinu od općinskih komunalnih taksi iznosili su 109.697,00 KM.

Nemoguće je utvrditi potpuno tačan iznos prihoda u 2023. godini od općinskih komunalnih taksi po ovoj novoj Odluci, iz razloga što jako teško prikupiti sve podatke o svim pravnim licima (broj zaposlenih, ukupan godišnji prihod i prosječna vrijednost imovine). Međutim realne procjene radne grupe, na temelju podataka kojima raspolažu, su da će se ovi prihodi zadržati u ranijim okvirima.

Imajući u vidu navedeno, predlažemo Općinskom vijeću donošenje ove Odluke uz eventualne primjedbe i sugestije.

PREDLAGAČ

DOSTAVLJENO:

OPĆINSKI NAČELNIK

1 x Stručna služba Općinskog vijeća
1 x a/a

Zdravko Marošević